



# KUKWASA CHIZE CHAKWIZA MWILU

Yihanda Yakutongola  
Kuli Watson Goodman

Chawana – Kuulanjisa Ka

## KUKWASA CHIZE CHAKWIZA MWILU

Mukanda, “Kukwasa Chize Chakwiza Mwilu,” uli ni yihanda ya ku Mukanda wa Zambini ha yikuma yeka ni yeka. Ngunanyongo ngwami, ulumbunwiso ubema wahiana wa Mukanda wa Zambini uli mu yihanda ya ku Mukanda wa Zambini wene.

Mukanda wa Zambini wakwiza Mwilu ni wakukwasa mbunge ja atu waze akwivwa usona wa ululi, ngwe zala ni pwila anevu. Muze mutu malumuka ku mbunge, mahichika yibi yenyi, matayiza Mwene Yesu Kristu kubwa mu mbunge yenyi, ni mafuliela ni mbunge yenyi yeswe Mwene Yesu Kristu mwe Chilamwina, Mwene Zambini malisolwela kuli iye, mamwaha uwahililo ni uhwimino wenyi mwene. Nayivwile mu 1937, ni chize ku tangwa lize kuliendela chize kuchalihandunwine ni Mwene. Ngunalumbu kuli yena kuli-kunjika kuli Yesu Chilamwina che ni Mwene we haliabwila, nyi kanda uchilinga kulu. —Watson Goodman(1920-2002)

## ZANGO LIA ZAMBINI

1

Alioze Zambini hanatusolwela zango lienyi linji, mumu Kristu yatufwila muze te tuchili akwa shili. —Ruma 5:8

Yesu Kristu kakutuzanga. Ku kufwa chenyi hanatulamwina ku milonga yetu. —Usolwelo 1:5

Te hikwasala tangwa limuwika ni chiwanyino cha kwiwuluka Kubalika. Yesu yanyingika ngwenyi, ola yenyi hiyaheta yakukatuka hashi ni kuhiluka kuli Tato. Matangwa eswe yazanga atu yenyi waze te atwama hano hashi, yaazanga ndoo ku songo. —Yoano 13:1

Mwene Zambini yasolokele kuli ayo nikukatuka kusuku. Hina-kuzanga ni zango lia mutolo, kashika hinakukoka ni utu wa zango. —Jeremia 31:3

Mumu Zambini yazanga akwa hashi kuhiana. Kashika yatuma mwe Mwanenye umuwika, hanga mweswawo mamufuliela kechi kafwa, alioze akabwa ni mwono wa miaka yeswe.



—Yoano 3:16

2

## UZAMBINI WA YESU KRISTU

Yoano 14:9,10

Yesu ngwenyi: . . . Mutu yoze hangumona, hamona nawa mwe Tata. Mba kuchi unambe ngwe: Tulweze kama mwe Tata? Kuushi kufuliela ngwe, yami nguli muli Tata ni Tata muli yami, nyi?

1 Timoteu 3:16

Niumwe kahashile kulituna unene wa chijimbikilo cha ufulielo wetu! Zambini yasoloka mu mujimba wa uutu, Mwiki wa Kulina-nga yiumusambisa, tunganda twa mwilu yaamumona. Yaamwambujola hakachi ka waze hi Ayuda ko, yaamufuliela hano hashi, yaamutambula mwilu mu uhenya.

Mateu 1:23

Talenu, mwana pwo makabwa ni ufumba, neye makasema mwana lunga. Maakumuluka jina ngwo: Emanuele! (kulumbunuka ngwo: Zambini kali hamwe ni yetu).

Yoano 1:1 ni 14

Ha ubutukilo, muze te Zambini kanda achitanga yuma, Liji liabwile kulu. Lie Liji liabwile hamwe ni Zambini, ni Liji liabwile Zambini. . . Lie Liji yilialumuka mutu, yatwama mukachi ketu, mukwa utu ni umwenemwene. Yitumona uhenya wenyi unji, uhenya uze mwe Mwana hanatambula kuli Tato.

## YESU MWE MWANA — ZAMBINI

3

1 Yoano 4:15

Mweswawo wakutayiza ngwenyi: Yesu kali Mwana-Zambini, Zambini kakulinunga nenyi, neye kakulinunga ni Zambini.

Kolosu 2:9

Mumu chize cheswe Zambini apwa chinasoloka muli Kristu, kafwa ngwe mu uutu wenyi.

Isaia 9:6

Mumu kuli yetu hikwasemuka umwe kema, kuli yetu habana umwe mwana wa lunga. Chiyulu kumuchikabwa ha chipaya chenye, ni jina lienye mamuluka ngwo, Longeshi wa mana, mukwa kukomwesa, Zambini ya ndundo,

Tata ya Miakulwila, Mwanangana wa Sambukila.

Luka 1:35

Kanganda yamukumbulula ngwenyi: Mwiki wa Kulina-nga muukuhulumukina, ndundo ja Zambini, Mukwa Mwilu Wahiana, mujikuzulamina ngwe chizulie. Kashika mwana yoze munangi maakamuvuluka ngwo: mwe Mwana-Zambini.

Mateu 17:5

Shimbu te machihanjika, lelwa lia kubeyima yiliaazulamina. Yevwa liji mu lelwa ngwo: Yono mwe Mwanami yoze nakuzanga kuhiana, nakuwahilila nenye. Mwivwenu!

4 YESU KANATULWEZA CHIZE ABWA

Yoano 8:23
Yesu yaakumbulula ngwenyi: Yenu nuli akwa hashi hano, alioze yami mwilu ngunakatuka. Nuli akwa hashi, alioze yami hi nguli mukwa hashi ko.

Yoano 11:25
Yesu ngwenyi: Yami nguli we uhindikilo ni we mwono. Yoze wakungufuliela chibwe afwe, kumabwa ni mwono.

Yoano 13:13
Nwakunguvuluka ngwenu: Longeshi ni Mwene. Nwakwamba kanawa, mumu chenacho nguli.

Yoano 9:5
Shimbu nguchili hashi nguli pangu lia hashi.

Yoano 6:35
Yesu ngwenyi: Yami nguli ye mbolo yize yakupwisa atu ni mwono. Yoze meza kuli yami, kechi kevwa zala chibwe hakepe. Yoze mangufuliela, kechi kevwa nawa pwila nichimwe.

Yoano 8:58
Yesu ngwenyi: Chamwenemwene ngunanwambulwila ngwami: muze te Abrahamama kanda achi-semuka, Yami Nguli.

Yoano 10:7
Kashika Yesu yaamba nawa ngwenyi: Chamwenemwene ngunanwambulwila ngwami: yami nguli chikolo cha tanga lia mapanga.

YIMWE YILAYI YA YESU 5

Mateu 14:19-21
Mba yaha mbunga shimbi atwame ha mwambu. Neye yanda mbolo jitano ni yishi aali, yatala kwilu, yasakwila yabalula mbolo, yajaha tumbaji. No yaajianyina mbunga. Eswe yaalia, yaakuta. Tumbaji yaazalisa tupaya kumi ni aali a yipalupalu yize yasalile ho. Waze alile, kwoka cho ngwe tununu atano a malunga, kuweza mapwo ni ana.

Luka 5:5, 6
Simone yamukumbulula ngwenyi: Mwata, twahondangananga

ufuku weswe, kutwakwachile nichimwe. Alioze ha liji lie mungusunwisa manda. Yaasunwisa, yaakwata yishi anji, mba manda jo yabutuka kutanwoka.

Mateu 20:30 ni 34
Tupuputa aali te anatwama ku sesa lia jila, Muze heevwa ngwo: Yesu kanabalika, yaabutuka kukoloka ngwo: Mwene, Mwana wa David, tuvwile kama keke! ...Yesu yeevwila keke, yasa minwe ha meso jo. Hazehene yaalaula, yaamukaula.

6 YESU KRISTU KALI TANGI KANDA MWENE

Roma 14:9
Mumu Kristu hanafu, hanahinduka nawa, ha kuyula afu ni waze ali ni mwono.

Yoano 1:3
Zambi yatanga yuma yeswe ku ndundo jalio. Katangile nichimwe chuma shina ni Liji.

Kolosu 1:16
Mumu ni kwoko lienyi, Zambi yatanga yuma yeswe kwilu ni hashi, yize yakumoneka ni yize kuyishi kumoneka, akwa ndundo, ni mianangana, ni miata, ni akwa kuyula. Zambi yatanga yuma yeswe ni kwoko lia Mwanenyi, yayitanga hanga eswe achichimieke mwe Mwanenyi.

Yilinga 2:36
Aisraele eswe chaatamba kunyingika kanawa ngwo, Yesu yoze nwahachile ha kulusu, Zambi hanamupwisa Mwene ni Chilamwina yoze iye mwene alakenyene.

Hebreu 1:2
Ha matangwa wano akusula, Zambi yahanjika ni kanwa lia Mwanenyi. Zambi hanatange yuma yeswe ni kwoko lia Mwanenyi, hanamutongola nawa mu kuhinga yuma yeswe ha tangwa liakusula.

Zambi kali mukwa kushishika, yoze wanutamvikile mu kuliendela ni Mwanenyi Yesu Kristu Mwene wetu. -1 Korintu 1:9

YESU KRISTU KALI NGAJI YA ESWE 7

Roma 14:10
Alioze yena, kuchi wakubatwila mukwenu? Ni yena, kuchi wakulelesa mukwenu? Yetu eswe mutukamana ku meso ja Zambi hanga akatubatwile.

Mateu 25:32
Hohene tunganda twa mwilu maakungululula mavungu eswe ku meso jenyi. Mba Mwana-Mutu makaahandununa mu mbunga jaali ngwe chize kafunga akuhandununa mapanga ni pembe.

Yoano 5:22
Tata kechi kubatwila mutu niumwe, alioze hanakunjika chiyulo cheswe cha ubatwilo kuli mwe Mwana.

Roma 2:16
Chenacho muchikabwa, nikulita ni Sango Jibema jize nakwambujola, ha tangwa lize Zambi makabatula yuma ya kuhengeka ya atu. Zambi makayibatula ni kanwa lia Yesu Kristu.

2 Timoteu 4:1
Ngunakwehe shimbi ku meso ja Zambi ni ku meso ja Kristu Yesu, yoze makabatwila atu eswe, a mwono ni afu, muze makasolola Wanangana wenyi.

Yilinga 10:42
Yatwaha shimbi ya kwambujola kuli atu ni kushindakenya ngwenyi: Yesu mwe asele ngaji ya amwono ni ya waze haanafu kulu.

8 ULAMWINO SHINA KU TACHI JA KRISTU

Yoano 10:9
Che chikolo cha tanga yami. Yoze manjila kuli yami, mamulamwina. Neye manjila ni matuhuka, mawana yakulia yenyi.

Yoano 14:6
Yesu ngwenyi: Yami nguli ye jila, ni we umwenemwene, ni we mwono. Niumwe meza kuli Tata shina ni yami.

Yoano 8:24
Kashika hinanwamba ngwami: Munukafwa mu milonga yenu. Mumu munukafwa mu milonga yenu shina munufuliela ngwenu, Yami Nguli Yoze Nguli.

Hebreu 5:9
Chize ku tangwa lize hamupwisa mungunu, eswe waze akumwononokena kakwalamwina ku miaka yeswe.

Hebreu 7:25
Kashika mahasa kulamwina, haliabwila ni ku miaka yeswe, waze akukundama kuli Zambi mu jina lienyi, mumu katwama ni mwono matangwa eswe ha kwahakwila.

Yilinga 4:12
Kukushi ulamwino muli mukwo niumwe, mumu Zambi kahanyine ko jina lia mutu mukwo kuli atu hano hashi lize mutubasa kulilamwina nalion.

ULAMWINO SHINA KU TACHI JA KRISTU 9

Mumu Mwana-Mutu haneza mu kufupa ni kulamwina akwa kutoka. -Luka 19:10

Alioze Zambi hananunungu ni Kristu Yesu, hanapwisa Kristu mana jetu. Mwenawo hanatupwisa akwa ululi kanda akwa kulilinga, hanatukululu ku ubinji wa shili. -1 Korintu 1:30

Kolosu 1:12-14
Sakwililenu ni uwahililo Tata yoze hananubhashisa kubwa ni chihanda cha chihinga chize Zambi hanafungu mu Wanangana wa pangu, mumu hali atu jenyi. Mwenawo hanatupululu ku tachi ja milima, hanatutulwila mu Wanangana wa Mwanenyi wa zango.

Mwe Mwanenyi hanatukululu, hanatukonekana milonga yetu.

Hanalihana iye mwene hali yetu, hanga akatulamwine ku yibi yeswe ni kutupwisa akwa mbunge jibema, atu ja iye mwene wika, akwa tachi ha kulinga yitanga yibema. -Titu 2:14

Usolwelo 5:9
E makulwana te kaanambi mwaso waha ngwo: Yena unatela kwanda mukanda uno ni kukasulula yijikilo yawo. Mumu haanakushihhi, ni manyinga je hiunalanjila Zambi atu a ku vungu lieswe, ni a liji lieswe, ni a kuli atu eswe, ni a ku yifuchi yeswe.

**10 UWANYINO KU MANYINGA A KRISTU**

Roma 5:9

Mumu ha kufwa cha Kristu, haliabwila Zambini hanatupwisa akwa ululi. Nyi chenacho, shinoha chikolo Kristu makatulamwina ku utenu wa Zambini.

Ku manyinga ja Kristu hanatukula, kafwa hanatukonekana milonga yetu nikulita ni utu wenyi wahiana. —Efesu 1:7

1 Petulu 1:18, 19

Mumu nunanyingika chize Yesu Kristu anukulile ku ndako yamokomoko yize anuselele tushakulu twenu. Kanukulile ko ni yuma yize yikwete ulemu ha shimbu likepe ngwe prata ni oru. Alioze yanukula ni ndando yahiana,

e manyinga a Kristu, ngwe mwana panga yoze keshi kapalia chibwe chibeka.

Alioze, nyi tuli mu pangu ngwe chize Zambini iye mwene kali mu pangu, chenacho twakuliendela hamwe ni akwetu, ni manyinga a Yesu Mwanenyi, kaakutubemesa ku shili yeswe. —1 Yoano 1:7

Hebreu 9:14

Nyi chili chenacho, manyinga a Kristu kaanahiana tachi! Ku tachi ja Mwiki wa miaka yeswe hanalikunjika kuli Zambini ngwe mulambu ungunu. Manyinga jenyi mabemesa mbunge jetu ku yitanga yamokomoko, hanga tukahase kuvumbika Zambini ya mwono.

**ULAMWINO HA KUFULIELA KRISTU 11**

Efesu 2:8, 9

Mumu Zambini, ku utu wenyi, hananulamwina, mumu ha ufulielo Ulamwino uno hi wa kuli yenu ko, kuuli chawana cha Zambini. Niumwe mahasa kulisamba, mumu hi ku yitanga ya yenwene ko.

Roma 5:1

Chenacho Zambini hanatupwisa akwa ululi mumu ha ufulielo. Kashika hitunawane ni Zambini mumu hali Mwene wetu Yesu Kristu.

Galashia 5:6

Mumu muze hitunalinungu kulu ni Kristu, kubwa ngalami

hanji chilima hi chuma ko. Chuma chinene ufulielo uze wakulinga ni zango.

Yoano 20:31

Alioze yino yasonewene hanga nufuliele ngwenu, Yesu mwe Chilamwina yoze Zambini alakenyene, mwe Mwana-Zambini, ni hanga, ku ufulielo uno, munhasa kubwa ni mwono mumu ha jina lienyi.

Yoano 6:28, 29

No yaamuhula ngwo: Kuchi chatutamba kulinga mba tulinge yitanga yize akuzanga Zambini? Yesu ngwenyi: Yuma yize akuzanga Zambini yenayi ayi, kufuliela yami, yoze hanatumu.

**12 KEKE YA ZAMBI**

Miaso 103:11

Mumu ngwe lilu liasuhwa helu lia hashi, chenacho nawa watowa utu wa zango lienyi kuli waze akumuvwila woma.

Miaso 103:17

Alioze utu wa zango lia Mwene Zambini kuli waze akumuvwila woma wabwa wa ku miaka yeswe ndoo ku miaka yeswe.

Mika 7:18

Iya uli Zambini ngwe yena? Wakukonekana milonga ya atu je waze asalile, kuushi kufunga utenu we ku miaka yeswe, alioze wakuwahilla ha kutulweza utu we wa zango.

Miasa 108:4

Mumu utu wa zango lie linahiana lilu ha kusuha, kushishika che chinahete ndoo ku malelwa.

Lungungu 3:22, 23

Ututu wa zango lia Mwene Zambini kuuchi kuhwa, keke yenyi kuyichi kasula. Yakubwa yaha tangwa ha tangwa, uli wa liakulu.

Titu 3:5

Yatulamwina, hi mumu ha yitanga ya ululi ko yize twalingile, alioze mumu watuvwilile keke. Yatulamwina ku kubemesa cha Mwiki wa Kulinanga, ku kusemuka chaha ni ku mwono waha.

**ZAMBI KANATUTAMBIKA NGWENYI: TWEYENU KULI YAMI 13**

Mateu 11:28

Tweyenu kuli yami yenu eswe waze nwhonga ni kumbata yilemu, mba yami mungunuhwimisa.

Isaia 55:1

Tweyenu, yenu eswe waze nunevu pwila, meya wano! Tweyenu waze kunushi mbongo, nulande yakulia, nulie. Tweyenu! Nulande vwinyu ni yamwakuyichi kufwika nichimwe!

Yoano 7:37

Tangwa lia kusula lia chiwinyino yilibwa tangwa linene. Ha tangwa lize Yesu yakatuka ni kwamba ngwenyi: Nyi umwe me-

vwa pwila, eze kuli yami anwe.

Usolwelo 22:17

Mwiki wa Kulinanga ni Nandungi kaanambe ngwo: Tweya! Yoze unevu yuma yino chamutamba kwamba nawa ngwenyi: Tweya! Yoze unevu pwila, eze. Yoze unazange kunwa meya a mwono, maatambula chawana.

Isaia 1:18

Tweyenu haliapwila tulishimwinye hamuwika, chibwe milonga yenu yachilanaye ngee, kumuyibwa yitoma ngwe chiwe. Chibwe uli ni yibeka yahiana kuchila, kumu-bwa mutoma ngwe wanda.

**14 HI ESWE KO ALI ANA JA ZAMBI**

Kulituchika mukachi ka ana ja Zambini ni ana ja Sakwonga chakubwa ngwe chino: Yoze keshi kulinga ululi, chibwe keshi kuzanga mukwo, hi mwana wa Zambini ko. —1 Yoano 3:10

Eswe waze Mwiki wa Zambini waku songwela, eno e ana ja Zambini. Mumu Mwiki nwatambwile, hi uze wakunupwisa ndungo ni kunuvwisa woma ko. Alioze kuuli Mwiki uze wakunupwisa ana ja Zambini. Ku tachi jenyi twakutambika Zambini ngwetu: Tata! Tata yetu! —Roma 8:14, 15

Hanga mukabwe abema kunushi chitela, ana ja Zambini kunushi kapalia Mukachi ka yivulumunyi

ni atu abi a hano hashi. Temukenu mukachi ko ngwe matongonoshi a mwilu. —Filipu 2:15

Kashika Mwene Zambini kanambe ngwenyi: Chanutamba kutuhuka mukachi ko, chanutamba kulihandununa no. Kanda nukwata ku chuma chimwe cha luchisa, mba mungukanutambula. Mungukabwa tatenu, mba ni yenu munkabwa ana jami a malunga ni ana jami a mapwo, chenacho anambe Mwene Mukwa Ndundo Jeswe. —2 Korintu 6:17, 18

Alioze akwo yaamutambula, yaamufuliela. Kashika yaahana chiyulo cha kubwa ana ja Zambini. —Yoano 1:12

**CHIZE ZAMBI ANAMBE HA CHIKUMA CHA WALWA 15**

Isaia 5:11

Lamba lienu! Yenu nwakuhinduka ha chichamene cheswe ni kubutula kunwa vinyu, ni nwakuzengewa chingoloshi cheswe.

Roma 13:13, 14

Chatutamba kubwa ni ndako jibema ngwe akwa pangu. Kanda tubwa ni chimbangwinya, kanda tuzengewa, kanda tulinga utanji, kanda tulinga yitanga ya sonyi, kanda tuzwela, kanda tumanganana ni ukwa. Alioze zalenu ndako yaha ya Mwene Yesu Kristu. Echenu usolo wenu ubi wa mujimba, ha kuumanununa.

Galashia 5:19-21

Yitanga ya usolo ubi wa utu yinasoloka zwalala, yenayo yino: utanji ni waze ali ku malu, ni utanji ni twamishi, ni luchisa, ... Ngunanutoweza haliabwila ngwe chize nambile kulu ngwami: atu waze akulinga yuma yino keechi kanjila mu Wanangana wa Zambini.

Yishima 23:31, 32

Kanda utayiza vinyu yikweseke, chibwe yinachili nikulejima, chibwe yinafuluka mu musenge, chibwe yinayekemena ha mwilu. Hakusula muusoloka ngwe yoze asumanga kuli kapela wa utende.

16 JILA YIZE TUNATONGOLA YETWENE  
KUYAZUKILE

Yesu yamukumbulula ngwenyi: Zanga Mwene Zambi ye ni mbunge ye yeswe, ni mwono we weswe, ni manyonga je eswe. Yenayo ye shimbi yitangu ni yilemu kuhiana. —Mateu 22:37, 38

Marku 10:17-22  
... Longeshi mubema, chuma chika changukamba kulinga hanga kukabwe ni mwono wa miaka yeswe? Yesu ngwenyi: Kuchi unanguvuluka ngwe mubema? Wakuhi mubema niumwe, shina Zambi wika. Unanyingika shimbi ngwo: Kanda ushiha mutu, kanda ulinga utanji, kanda wiya, kanda ushindakenya mahuza, kanda

ulaka, lemesa tatenu ni noko! Mwe lunga yakumbulula ngwenyi: Longeshi, shimbi jino jeswe ngunajifungu chize ku wanuke wami. Yesu yamutala ni zango, yamwamba ngwenyi: Hindu chuma chimuwika unahono. Yako, ulanjise yeswe yize uli nayo, utetele yiswale mbongo jize, muukabwa ni ubite mwilu. Mba wize ungukaule. Alioze lunga yoze, hakwivwa maliji wano, yahombola ku meso, yakatuka ni chinyengo chinji, mumu te pichi.

Jila yize muunyonga ngwe yili yibema, muyihasa kukutwala ku kufwa. —Yishima 16:25

KANDA NULIONGA YENWENE 17

Tiangu (Jake) 1:22  
Kanda nulionga ha kwivwa wika liji lia Zambi, alioze chanutamba nawa kulinga chize linambe.

1 Korintu 6:9, 10  
Kunwanyingikine ngwenu, yivulumunyi keechi kanjila mu Wanangana wa Zambi, nyi? Kanda nulionga, chibwe atu waze akulinga utanji ni twamishi, chibwe akwa kukombolela mahamba, chibwe waze akulinga utanji ni waze haanalimbata, chibwe akwa utumwa, chibwe eji, chibwe akwa kwivwa kuzo, chibwe akwa kuze-ngewa, chibwe akwa kutukana, chibwe akwa kuhianyisa nda-

ndo—wano eswe keechi kanjila mu Wanangana wa Zambi.

1 Yoano 3:7, 8  
Ana jami niumwe kanda anwonga! Yoze wakulinga ululi, neye mwene kali mukwa ululi, ngwe Kristu kali mukwa ululi. Yoze wakunyongonona ni kuvulumiona kali wa Sakwonga, mumu Sakwonga hanavulumuna chize ku ubutukilo. Mwana Zambi hanasoloka ha kwonona yitanga ya Sakwonga.

Galashia 6:3  
Nyi umwe kakulinyonga ngwenyi, nguli mulemu, alioze kuma kali mutu wamokomoko, kakulionga iye mwene.

18 SHILI YAKUKOKA KUFWA

Roma 5:12  
Chili ngwe chino: shili hiyanjila hashi mumu ha kuvulumuna cha mutu umuwika, Adama. Mba shili hiyaneha kufwa. Chenacho atu eswe akufwe, mumu eswe haanavulumuna.

Roma 8:6  
Kunyonga chize uutu unazange chakutwala ku kufwa, alioze kunyonga chize Mwiki wa Kulina-nga unazange cha kutwala ku mwono ni uhwimino.

Ezekia 18:20  
Yoze mavulumuna mwe makafwa. Mwana kechi kumona lamba ha milonga ya tato, chibwe tato ha milonga ya mwanenyi. Mukwa

ululi makamukundulula ha kulinga yipema, chingulungulu makamona lamba ha yibi yize akulinga.

Mba muze usolo ubi muuseseka, muusema uvulumwino, ni muze uvulumwino hiwakola muusema kufwa. —Tiangu (Jake) 1:15

Luka 15:32  
Chatutamba kuwahilila ni kusehejela, mumu mwanakwenu yono wabwile mufu, alioze hahinduka; hanatoko alioze hasoloka nawa!

Yoze wakulikoleleza hakulinga ululi kumakabwa ni mwono, alioze yoze wakuvulumiona kumakafwa. —Yishima 11:19

KRISTU HAKUMBA KUFWA 19

Luka 7:14, 15  
Mba yakundama, yasunga muhango. Akwa kumbata yaamana. Yesu yamba ngwenyi: Mukweze, ngunakwambe ngwami: hinduka! Mufu yahinduka, yatwama, yabutuka kuhanjika.

Usolwelo 1:18  
Nguli mukwa mwono. Nafwile, alioze tala, haliabwila nguli ni mwono ndoo ku maika yeswe ni miaka yeswe, Ngunayulu kufwa. Ngunayulu nawa chifuchi cha waze hanafu.

Yoano 10:17, 18  
Tata kakunguzanga, mumu ngunakunjika mwono wami ha

kuuwanda nawa. Mutu niumwe mahasa kuchiza mwono wami, alioze ngunakunjika ni chize ngunazange yami mwene. Chiyulo nguli nacho cha kuukunjika ni chiyulo nguli nacho cha kuutam-bula nawa. Chenacho Tata wanguhele shimbi kulinga.

Yoano 11:43, 44  
Muze hamba maliji wano, yakololoka ni liji linene ngwenyi: Lazaru, tuhuka mo! Mufu yatuhuka, molu ni moko akukasa ni mahina, ni huma liakujinga ni chitambaia. Yesu yaamba ngwenyi: Mujitulenu, aye.

20 SHIMBI JA ZAMBI

Shimbi 5:7-21  
Kanda ukabwa ni zambi weka shina yami wika.

Kanda ukalisongela tuponya akulifwa ni chuma cha mwilu, chibwe cha hano hashi, chibwe cha mu meya mushi lia hashi. Kanda ukafukumina kaponya niumwe, chibwe kumuwayila. ...

Kanda ukavuluka jina liami ni mahuza, mumu yami Mwene Zambi ye, mungukamwesa lamba yoze malelesa jina liami.

Lemesa tangwa lia kuhwima, liabwe lia linanga, ngwe chize yami Mwene Zambi ye nakuhele shimbi. Uli ni matangwa asambano ha kulinga milimo ye, alioze

tanga liamuchishimbiali lili tangwa lia kuhwima mumu lili niliami.

Lemesa tatenu ni noko, ngwe chize yami, Mwene Zambi ye, ngunakwehe shimbi, ...

Kanda ukashiha mutu. Kanda ukalinga utanji. Kanda ukeya.

Kanda ukalamikiza mutu niumwe.

Kanda ukevvila pwo lia mbala chibululu; chibwe zuwo lienyi, chibwe munda wenyi, chibwe ndungo jenyi, chibwe ngombe jenyi, chibwe yimbulu jenyi, chibwe chuma chenyi chikwo.

KUWAHASHILE KUSWAMA KU MESO JA ZAMBI 21

Yishima 15:3  
Mwene Zambi kakumona kwe-swe; kwakutumona nyi twakulinga yibema hanji yibi.

Luka 8:17  
Chize cheswe chaswamine muchikasoloka, ni chize cheswe chakuhengeka maakachisolola mu pangu.

Jobe 34:21, 22  
Zambi kakumona ndako ja mutu. Chibwe milima yoke naye, hindu yingulungulu kaahashile kuswama ku meso ja Zambi.

Miaso 139:8, 12  
Chibwe nguzezuke mwilu, yena mwe uli, chibwe nguse muhela wami muma mwa afu, yena mwe uli. ... Kuli yena milima kuyishiko, milima yili lume ngwe pangu. Kuli yena milima ni pangu yili kwayo chimuwika.

Jeremia 23:24  
Mwene Zambi kanahula ngwenyi: Mutu mahasa kuswama kumwe kuma kuze yami chahashile kumumona, nyi? Kuma kuwanyingikine ngwe yami nguli kweswe, lili ni hashi, nyi?

22 YITANGANYANYI MAAKAMONA LAMBA  
LIA MIAKA YESWE

Mateu 13:41,42  
Mwe Mwana Mutu makatuma tunganda twenyi twa mwilu. Enoo maakachiza mu Wanangana wenyi eswe waze akuvulumwisa akwo ni waze akulinga yibi. Maakambila mu jiko lia kahia. Kwenako atu maakalila ni maakalicheka ku mazo.

Mateu 18:8  
Nyi kwoko lie hanji kulu lie liakukuvulumwisa, liabatule ulimbile. Shinoho ukanjile mu mwono wamwenemwene ni kwoko limuwika hanji ni kulu limuwika, kuhiana chize muufunga moko eswe aali ni molu eswe aali

akakukumbile mu kahia ka miaka yeswe.

2 Petulu 3:7  
Alioze lili ni hashi lia halia-bwila kanayitulika ku liji lizeliene lia Zambini ha kuyonona ni kahia. Kanayifungu ndoo ku tangwa lize makabatwila yitanganyanyi ni kwoonona.

Miaso 9:17  
Songo lia yingulungulu ni eswe waze akulituna Zambini, kufwa.

Mateu 25:46  
Wano makaya ku lamba lia miaka yeswe, alioze akwa ululi ku mwono wa miaka yeswe.

UPATWILO UZE MUWIZA HO 23

Yilinga 17:31  
Mumu te hanatongola kulu tangwa lize makabatwila akwa hashi ni ululi ku kanwa lia lunga yoze hanatongola. Hanahana chinyingi kuli atu eswe ha kumuhindwisa ku kufwa.

2 Petulu 2:9  
Chenacho Mwene Zambini kanayingika chize mapulula atu yenji ku yeseko, ni chize makafunga yivulumunyi mu lamba ndoo ku Tangwa lia Upatwilo.

2 Korintu 5:10  
Mumu yetu eswe chatutamba kumana kulutwe lia chitwamo cha upatwilo cha Kristu, hanga mutu mweswe akatambule chize china-

mutela, ni kulita ni chize ali-ngile mu uutu wenyi, chibwe chibema chibwe chibi.

1 Yoano 4:17  
Zango lia Zambini lia kunyongonoka muli yetu, hanga tukabwe ni hamu ha Tangwa lia Ubatwilo, mumu mwono wetu hano hashi uli ngwe uze wa Kristu.

Hebreu 9:27  
Mutu mweswe chatutamba kufwa chisuhochimuwika, mba Zambini makamubatwila.

Roma 14:12  
Ha chino, mutu mweswe hakachi ketu makalumbununa milonga yenyi mwene kuli Zambini.

24 UTU WA YESU KRISTU

Roma 9:16  
Kashika, hi ku kuzanga cha mutu ko, hanji ku kuhondangana chenyi ko, alioze shina lume cha kuli Zambini yoze wakuvwila keke.

1 Petulu 5:5  
Zambini kakulimika ni akwa kulengumuka, alioze kakulweza utu kuli akwa kulikehesa.

Roma 5:15  
Adama kali chizulie cha Kristu yoze wamukawile. Alioze waze aali kaanalise, mumu chawana chize Zambini atuhele mu utu wenyi, hi ngwe mulonga wa Adama ko. Chamwenemwene atu anji afwile ha mulonga wa mutu umuwika. Alioze utu wa Zambini una-

hiana kulumbama cha ubi uze. Chenacho nawa chawana chenyi, chize ahanyine kuli atu anji, chinahiana mumu ha utu wa mutu umuwika, Yesu Kristu.

2 Korintu 8:9  
Mumu nunayingika utu wa Mwene wetu Yesu Kristu. Chibwe wabwile pichi, hindu yalumuka chiswale mumu hali yenu, hanga ku uswale wenyi nukabwe pichi.

2 Korintu 9:15  
Tusakwilenu Zambini mumu ha chawana chenyi chahiana.

Ni tachi jinji tumbanji twa Yesu yaashindakenya uhindikike wa Mwene Yesu. Zambini yaawahisa eswe. —Yilinga 4:33

KWALUMUKA KU MBUNGE 25

Yilinga 17:30  
Zambini keshi kwalula miaka ya kwalajala, alioze halia bwila kakwambila atu eswe a kuma kweswe alumuke ku mbunge.

Luka 13:3  
(Ngwami: ka) Alioze nyi kunwalumukine ku mbunge, yenu eswe munukafwa ngwe ayo.

Yilinga 3:19  
Kashika alumukenu ku mbunge, nuhiluke kuli Zambini, hanga anukonekene milonga yenu.

Yilinga 2:38  
Petulu ngwenyi: Mutu ni mutu hakachi kenu alumuke ku mbu-

nge, amupapachise mu jina lia Yesu Kristu ha ukonekeno wa milonga. Mba munutambula chawana cha Zambini, Mwiku wa Kulinanga.

2 Korintu 7:10  
Mumu chinyenngo cha uzambi chakwalumuna mbunge ya mutu ni chakumulamwina. Kashika kuchatambile kulinyenga ha chino. Alioze chinyengo cha hano hashi chakukoka kufwa.

Mateu 3:2  
(Ngwenyi:) Alumukenu ku mbunge, mumu Wanangana wa mwilu hiwakundama.

26 UKONEKENU WA MILONGA

Mateu 6:14  
Mumu, nyi munukonekena atu milonga yo, Tatenu wa mwilu neye manukonekena.

Ezekia 18:21  
Alioze, nyi chingulungulu mecha kuvulumiona, nyi mononoke-na shimbi jami, nyi malinga yibema ni yize yinalite, kechi kafwa; chamwenemwene makatwama ni mwono.

Uso lwelo 3:20  
Panjika! Ngunamana ku chikolo, ni kungongwela. Nyi mutu mevwa liji liami, ni mazulula chajilo, mungunjila mo. Mungulia hamwe nenyi, neye hamwe ni yami.

Isais 55:7  
Yingulungulu ehuke ndako jo jibi, ni alumune mayonga jo. Aateuluke kuli Mwene, Zambini yetu; mumu kali mukwa vumbi ni kakukonekena nikawashi.

Yilinga 5:31  
Zambini hanamuzundula ha kubwa ku kwoko lienyi lia chindume, hanga abwe Tetekeli ni Chilamwina. Chenacho Aisraele maahasa kwalumuka ku mbunge jo, ni Zambini maakonekena milonga yo.

Ha kumona ufulielo wo, Yesu yambila mukwa kalepa ngwenyi: Mwanami, milonga ye hinakonekenewa. —Marku 2:5

KUHANDUNUKA KU YUMA YA  
UTANGANYANYI 27

Kolosu 3:2  
Nyongenu yuma yize yili mwilu, hi yize yili hano hashi ko.

Efesu 5:11  
Kanda nuliendela ni waze akulinga yitanga ya mokomoko ya milima Shinoho, kuyineha mu pangu.

1 Yoano 2:15, 16  
Kanda nuzanga hano hashi chibwe yuma yize yiliho. Nyi umwe mazanga hano hashi, zango lia Tata kulishimo muli iye. Mumu yuma yeswe lia hano hashi—usolo ubi wa mujimba, ni usolo wa

meso, ni yize twakulengumuka nayo hano hashi—yize yeswe hi ya Tata Zambini ko, alioze lia hano hashi.

Isaia 1:16  
Sanenu nulipemese. Litwamine-nu kulinga yibi yino yeswe nunalingi. Ewa, litwamine-nu kulinga yibi.

Titu 2:11, 12  
Mumu hanasolola utu wenyi hakulamwina atu eswe. Utu uze unatulongesa ha kwehuka yitanga yibi ni usolo ubi wa uutu, tuliyule, tubwe akwa ululi, ni akwa kulina-nga hano hashi.

## KUSEMUKA CHAHA

Ezekia 36:26

Mungukanwaha mbunge jaha ni mwiku waha. Mungukanuchi-za mbunge jikalu ngwe mawe ni mungukanusa mbunge ja kwonoka.

1 Yoano 2:29

Nunanyingika ngwenu, Kristu kali mukwa ululi. Ha chino, chanutamba kunyingika nawa ngwenu, mutu mweswe yoze wakulinga ululi kali mwana wa Zambi.

1 Yoano 5:18

Tunanyingika ngwetu, mutu yoze kali mwana wa Zambi keshi kunyongonona mu kulinga yibi. Mumu. Mwana-Zambi kakumu-funga, nawa mwe Chingulungulu

kahashile kumulinga chibi ni-chimwe.

Nyi mutu halinunga ni Kristu, Halumuka mutu mwaha, yuma yikulu hiyahwa, yuma yaha hiya-soloka. —2 Korintu 5:17

Yoano 3:3

Yesu ngwenyi: Chamwenmwene ngunakwambulwila ngwami: ni-umwe mahasa kumona Wanangana wa Zambi, shina masemuka kwilu.

Mumu hinwasemuka chaha, hi ngwe kuli atateni ko waze akufwa, alioze hinwasemuka mbuto yize kuyishi kufwa, ku liji lia Zambi, lize likwete mwono wa miaka yeswe. —1 Petulu 1:23

## KUFWA KU SHILI—KUHINDUKA MULI KRISTU 29

Efesu 2:1, 6

Ha miaka ya kunyima yenu nwabwile ngwe afu mu yitela yenu ni mu shili yenu... Mu kulinunga chetu ni Kristu Yesu, Zambi hanatuhindwisa ni mwono hamwe ni Kristu, hanatutwami-sa hamwe nyeni mwilu.

Kolosu 3:1

Hananuhindwisa hamwe ni Kristu ku kufwa. Kashika fupenu yuma yize yili mwilu, kuze Kristu anatwama ku chindume cha Zambi.

1 Petulu 2:24

Kristu iye mwene yambata shili yetu mu mujimba wenyi ha kulu-

su, hanga tufwe ku shili, ni hanga tubwe akwa ululi. Ku yilonda yenyi hinunahinduka.

Galashia 5:24

Akwa Kristu Yesu haanashaha usolo ubi ni kuzanga chibi cha uutu wo.

Roma 6:2, 11

Ka lume! Yetu hitunafu kulu ha kutwala ku shili. Ngwe kuchi mutuhasa ku twama mo nawa?... Ni yenu nawa chizechene, chatamba kulinyonga ngwenu, nuli afu ha kutwala ku shili, alioze nuli a mwono ha kutwala kuli Zambi ha kulinunga ni Yesu Kristu.

## MWONO WA MIAKA YESWE

Yoano 3:14, 15

Ngwe chize Mose wazundwile kapela wa utale ha mutondo mu puya, chimuwika nawa chatamba kuzundula Mwana-Mutu, hanga kuzundula mamfuliela akabwe ni mwono wa miaka yeswe.

Yoano 17:3

Uno we mwono wa miaka yeswe, kunyingika yena mwe Zambi wamwenemwene ni Yesu Kristu yoze watumine.

Yoano 3:36

Yoze wakufuliela mwe Mwana, mwono wa miaka yeswe ali nawo. Yoze keshi kwononokena Mwana,

kechi kamona mwono, alioze Zambi kakumuvwila ufwatulo.

Roma 6:23

Mumu fweto yize akuhana shili yili kufwa. Alioze chawana chize akuhana Zambi mu utu wenyi, chili mwono wa miaka yeswe hakulinunga ni Yesu Krist Mwene wetu.

Yoano 5:24

Chamwenemwene ngunanwambe ngwami: yoze wakwivwa maliji jami ni kufuliela yoze wangu-tumine, mwono wa miaka yeswe ali nawo. Kechi kamuhisa, alioze hahinduka kulu ku kufwa, habwa ni mwono.

## SHINDAKENYO YA ULAMWINO

Isaia 32:17

Mumu mutu mweswe makalinga chize chinalite, mukukabwa uhwindimo ni sambukila ku miaka yeswe.

Galashia 4:6

Ha kushindakenya chize nuli ana jenyi, Zambi hanatumu Mwiki wa Mwanenyi mu mbunge jetu, uze wa kutambika ngwenyi: Tata, Tata yami.

Roma 8:16

Mwiki wa Zambi wakushindakenya hamwe ni mbunge jetu ngwo: tuli ana ja Zambi.

1 Yoano 3:18, 19

Ana jami, kanda tulizanga ni kanwa wika, alioze chatutamba

kubwa ni zango liamwenemwene, lize likumoneka mu yitanga yetu. Ha chino mutunyingika ngwetu, tuli amwenemwene, ni mutubwa ni hamu mu mbunge jetu ku meso lia Zambi.

Yoano 14:21

Yoze wakufunga shimbi jami ni wakujononokena, mwenawo wakunguzanga. Tata mazanga yoze wakunguzanga, ni yami nawa mugumuzanga ni mungulisolola kuli iye.

Tunanyingika ngwetu: hana-twehe Mwiki wenyi. Kashika, twakunyingika ngwetu, twakulinunga nyeni, neye kakulinunga ni yetu. —1 Yoano 4:13

## 32 NYI ULI NI KRISTU MUWIVWA CHISEKE

Yoano 17:13

Alioze haliapwila nguneza kuli yena. Chino hinamba hano hashi, hanga ayo abwe ni uwahililo wami, uwahililo wahiana.

Roma 14:17

Mumu Wanangana wa Zambi hi chikuma cha kulia ni kunwa ko, alioze cha ululi, ni uhwindimo, ni uwahililo uze wakuhana Mwiki wa Kulinanga.

Galashia 2:20

Hananguhachila hamwe ni Kristu ha kulusu. Kashika hi yami ko nguli ni mwono, alioze Kristu kali ni mwono muli yami. Mwono uze nguli nawo haliabwi-

la, nguli nawo ha kufuliela Mwana-Zambi, yoze wanguzangile ni wakujnjikile mwono wenyi hali yami.

Isaia 12:3

Munuka taha meya ni chiseke mu mashima a ulamwino.

Yoano 15:11

Yuma yino hinamba, hanga nubwe ni uwahililo wami, ni hanga nubwe ni uwahililo wahiana.

Miaso 16:11

Yena mungulweza jila yize yatwala ku mwono. Nakuwahilila ha kutwama ku meso je, munguwahilila matangwa eswe.

## CHINALITE KWONONOKA KULI MWENE ZAMBI

Alioze, nyi kunwabanjikile ku liji lia Mwene Zambi, hanji munukolema shimbi jenyi, makalimika ni yenu ni mwe mwanangana wenu. —1 Samuel 12:15

Roma 6:16

Nunanyingika kanawa ngwenu, nyi nwakulikunjika kuli umwe ni kumwononokena, hinwabwa ndungo ja mwata yoze nwakononokena—hanji ndungo ja shili hanji ndungo ja ululi.

Makanwaha uhwindimo yenu waze nwakumona lamba ngwe yetu nawa. Makachilinga muze Mwene makasoloka mwilu ni tunganda twenyi a tachi. Makeza ni

kahia kakulekwoka ha kumwesa lamba waze kaanyingikine ko Zambi ni waze keeshi kwononokena Sango Jibema ha kutwala kuli Mwene wetu Yesu. Maakamona lamba lia kwonona cha miaka yeswe muma mwakuhandunuka ni Mwene Yesu ni ku ndungo jenyi ja uhenya. —2 Tesalinika 1:7-9

Shimbi 11:26-28

Musono Ngunanwambe haka-chi ka kuwahisa ni shingo — kuwahisa, nyi munwononoka ku maliji a shimbi a Mwene Zambi yenu waze ngunanwehe musono; alioze shingo, nyi kunuchi kwononoka ku maliji wano a shimbi.

## CHINALITE KUTAYIZA KRISTU

Filipu 2:11

Ni eswe akatayize ngwo: Yesu Kristu mwe Mwene, ha kuhalisa Zambzi Tata.

Mateu 10:32, 33

Yoze mangutayiza ku meso ja atu, ni yami nawa mungumutayiza ku meso ja Tata wa mwilu. Alioze yoze malikala yami ku meso ja atu, ni yami nawa mungulikala ye ku meso ja Tata wa mwilu.

Roma 10:9, 10

Nyi muutayiza ni kanwa lie ngwe: Yesu kali mwe Mwene, nawa, nyi mufuliela mu mbunge ye ngwe, Zambzi wamuhindwishile ku kufwa, kumakulamwina.

Mumu mutu kakufuliela mu mbunge yenyi, mba Zambzi kakumupwisa mukwa ululi. Mutu kakutayiza ni kanwa lienyi, mba Zambzi kakumulamwina.

1 Yoano 2:23

Mumu yoze wakulituna Mwana, kakulituna nawa Tata. Yoze wakutayiza Mwana, kakutayiza nawa Tata.

Luka 9:26

Nyi umwe manguvwila sonyi ni maliji jami, Mwana-Mutu nawa makamuvwila sonyi muze makeza mu uhenyi wenyi ni mu uhenya wa Tata, ni wa tunganda twa mwilu a kulinanga.

## SHAKWONGA MUKWA KOLE YETU MUNENE 35



Limukenu, kanyamenu! Mumu mukwa kole yenu, Sakwonga, kakwendangana ngwe tambwe yoze wakukenana, ni kufupa yoze malia.

—1 Petulu 5:8

Hohene Mwiki wa Kulinanga yiushinjika Yesu mu puya, hanga Sakwonga akameseke. Yesu ngwenyi: Katuka Sakwonga! Mumu hichinasonewa mu Mukanda wa Zambzi ngwo: Ukawayile Mwene Zambzi ye, ukamulingile iye wika! Hohene Sakwonga yamuhichika. Mba

tunganda twa mwilu yeeza ni kulingila Yesu. —Mateu 4:1, 10, 11

Lipakatenu yuma ya Zambzi yeswe ya jita, hanga nuhase kujikiza ha kulimika ni ukanyame ubi wa Sakwonga.

—Efesu 6:11

Mu kwalawisa meso hanga akatuke ku milima atale ku pangu, akatuke ku tachi ya Sakwonga eze kuli Zambzi; hanga ku ufulielo, Zambzi aakonekene milonga yo, mba abwe ni chihinga mukachi ka atu waze Zambzi atongwele iye mwene.

—Yilinga 26:18

## KUKUMBA SAKWONGA

2 Tesalonika 2:8

Mba mwe Chilumbule makasoloka. Mwene Yesu makamushiha ni mwiki wa mu kanwa lienyi, makamwonona ni uhenya wa kwiza chenye.

Tiangu (Jake) 4:7, 8

Kashika zeyelnu kuli Zambzi, limikenu ni Sakwonga, mba manuchina kusuku. Kundamenu kuli Zambzi, neye makundama kuli yenu.

Hebreu 2:14

Ana waze musunya ni manyinga akwete. Kashika, Yesu yalumuka mutu yoze uli ni musunya ni manyinga ngwe ayo. Yalumuka

mutu hanga, ku kufwa chenye, akafwenye Shakwonga yoze ukwete chiyulo cha kufwa.

Roma 8:35, 37

Iya mahasa kutuhandununa ku zango lia Kristu? Lamba, nyi? Yinyengo, nyi? Yihungumiona, nyi? Zala, nyi? Uswale, nyi? Utoji, nyi? Ngwetu: Ka! Alioze mu yuma yino yeswe twakukumba kuhiana ni ndundo ja yoze watuzangile.

1 Yoano 3:8

Yoze wakunyongonona ni kuvulumiona kali wa Sakwonga, mumu Sakwonga hanavulumuna chize ku ubutukilo. Mwana Zambzi hanasoloka ha kwonona yitanga ya Sakwonga.

## ZANGO, CHILWEZA CHA MUKWA KUFULIELA 37

Yoano 13:35

Nyi munulizanga ni akwenu, eswe maakanyingika ngwo, nuli tumbaji twami.

Yoano 21:16

Yamwamba nawa chisuhu chamuchaali ngwenyi: Simone, mwana wa Yoano, unanguzange kuhiana, nyi? Yakumbulula ngwenyi: Ewa, Mwene, unanyingika ngwe, ngunakuzange. Yesu yamwamba ngwenyi: Funga mapanga jami.

1 Yoano 4:20

Nyi mutu kanambe ngwenyi: Nakuzanga Zambzi, hindu kakuvutwokela mukwo, kali mukwa mahuzi. Mumu yoze keshi kuzanga mukwo yoze akumona, kahashile

kwenyi kuzanga Zambzi yoze kanda achimona kama.

1 Korintu 13:1

Chibwe munguhasa kujanjika maliji waze chanyingikine, hanji ja atu, hanji ja tunganda twa mwilu, alioze nyi chishi zango, kujanjika chami muchibwa cha mokomoko, ngwe liji lia ngunga lize likujanjika: Ngoong, ngoong!

Galashia 5:22, 23

Alioze mihuko ya Mwiki wa Kulinanga yenayo yino: zango, ni uwahililo, ni uhwimino, ni kuusula, ni utu, ni upeme, ni kushishika, ni uhomboloji, ni kulihumikiza.

## UHINDUKILO WA YESU KRISTU

Yilinga 10:39-41

Yetu tuli yela ya yuma yeswe yize alingile mu chifuchi cha Ayuda ni mu Jerusaleme. Mwenawo amuhachile ha kulusu nikumushiha. Alioze Zambzi yamuhindwisa ku kufwa ha tangwa lia muchitatu, mba yamusolola ni mwono, hi kuli Ayuda eswe ko, alioze kuli yetu waze Zambzi atongwele hatangu ngwe yela. Twalile, twanwine hamwe neyi muze te hahinduka ku kufwa.

Roma 4:25

Zambzi yamukunjika ku kufwa mumu ha shili yetu, yamuhindwisa ku kufwa ha kutupwisa akwa ululi.

Yoano 20:26-28

Lumingo umuwika kulutwe, tumbaji twa Yesu yaalikungulula nawa mu zuwo. Tomase yabwa hamwe no. Yajilo te yakukasa ni sapi. Alioze Yesu yeza, yamana mukachi ko, yamba ngwenyi: Mwoyo wenu! Mba yambila Tomase ngwenyi: Njisa munwe we hano. Tala moko jami. Sako kwoko lie mu lumbu liami. Kanda uyambashana, alioze fuliela lume!

Marku 16:9

Muze te Yesu hahinduka ku kufwa, mu lumingo chichamene, yasolokela hatangu Maria Kamandala, muli yoze atuhwishile mwiku wa luchisa shimbiali.

## UHINDUKILO, UHENYA WETU UZE TWAKUSA MBUNGE

Roma 6:3-5

Kunwanyingikine ngwenu, muze atupapachishile ha kulinanga ni Yesu Kristu, atupapachishile hanga tufwe nenyi, nyi? Upapachiso unalumbununa ngwe, hitunafu hamwe ni Kristu, hanatufundu hamwe nenyi, hanga ngwe chize Tata Zambzi wahindwishile Kristu ku kufwa, ni ndundo jenyi ja uhenya, chenacho nawa mutuhasa kwenda ni mwono waha. Mumu, nyi tunalinungu ni Kristu ha kufwa ngwe chize afwile iye, kachi mutulinunga ne-

nyi nawa muze makatuhindwisa ngwe chize amuhindwishile.

Yoano 5:25, 28, 29

Chamwenemwene ngunanwambe ngwami: ola muyiza, hiyeza kulu, muze afu maakevwa liji lia Mwana-Zambzi, ni muze maakaliwva, maakabwa ni mwono. Kanda nulishimwoka, mumu ola muyikeza muze afu eswe ali mu mafuka, maakevwa liji lienyi. Maakatuhuka mu mafuka jo. Waze alingile yibema kumaakahinduka ni kubwa nawa ni mwono, alioze waze alingile yibi kumaakahinduka ha kwahisa.

Luka 1:74, 75

Mu kutukula ku tachi ja akwa kole jetu. Ni kututayiza mu kumu-vumbuka woma wakuhi, Hanga tupwe akwa kulinanga ni akwa ululi ku meso jenyi Matangwa eswe a mwono wetu.

2 Korintu 7:1

Akwetu a zango, Zambani hanatulenya yuma yize yeswe. Kashika, chatutamba kulibemesa ni yeswe yize yakubihisa mujimba ni mwono. Tulikolezenu ha kubwa akwa kulinanga, ni kuvwila Zambani woma.

2 Timoteu 2:21

Nyi mutumwehuka yibi yize yeswe, Zambani mamwaha milimo yi-

lemu mu kulinga. Hi chamokomoko ko, mumu kali mukwa kulinanga ku meso ja Zambani ni kanalulika kulinga milimo yeswe yibema.

1 Petulu 1:2

Tata Zambani hananutongola ngwe chize anyongene shimbu kanda. Hinunalumuka akwa kulinanga ku tachi ja Mwiki wenyi, hanga nwononokene Yesu Kristu, ni hanga anukose ni manyinga jenyi, Zambani anulweze utu ni anwehe uhwimino yakulumbama.

1 Petulu 1:15

Alioze bwene akwa kulinanga mu ndako jenu jeswe ngwe chize Zambani yoze wanutambikile kali wa kulinanga.

Isaia 35:8

Mukukabwa jila yibema, yize akuvuluka ngwo: Jila ya Linanga. Chivulumunyi niumwe kechi kendela mo. Yihepuka niamwe kechi kapiangula waze mendela mo.

Hebreu 13:12

Kashika, Yesu neye yafwile haze lia limbo ha kubemesa atu ni manyinga jenyi mwene.

1 Yoano 1:9

Alioze, nyi twakushikisa milonga yetu, iye kali mukwa kushishika ni mukwa ululi ha kutokeneka milonga yetu, ni kutubemesa ku uhenge weswe.

Mateu 3:11

Yami ngunanupapachisa ni meya mu kulweza ngwo: hinwalumuka ku mbunge. Alioze yoze meza kunyima liami makanupapachisa ni Mwiki wa Kulinanga ni kahia. Kananguhiana yami. Chatelele nichimwe kujitula sapato jenyi.

Efesu 1:4

Muze te kanda achitanga hashi, Zambani watutongwele kulu ha kubwa atu jenyi mu kulinanga ni Kristu, hanga tukabwe akwa kulinanga, kutushi kapalia ku meso jenyi.

Luka 11:13

Nyi yenu abi nunanyingika kwaha ana jenu yuma yibema, kuhiana chikolo Tatenu wa mwilu maha waze maamwita Mwiki wa Kulinanga.

Yilinga 1:8

Alioze munukatambula tachi muze Mwiki wa Kulinanga hiwanuhulumukina. Mba munukabwa yela jami mu Jerusaleme, ni mweswe mu Yudea, ni mu Samaria, ni ndoo ku songo lia hashi.

Ezekia 36:27

Mungukanusa Mwiki wami ni mungukanutakamisa hanga nwononoke shimbi jami ni kufunga yiyulo yami yeswe yize nanuhele.

Roma 8:9

Nyi chamwenemwene Mwiki wa Zambani watwama muli yenu, kachi kunushi kwenda ni kulita ni ndako yibi ya uutu, alioze ni kulita ni ndako ya Mwiki wa Zambani. Yoze keshi Mwiki wa Kristu, hi ni wenyi ko.

Yilinga 13:52

Alioze tumbaji a ku Antiokia yaawahilila kuhiana, yaazala ni Mwiki wa Kulinanga.

Yilinga 4:31

Muze haalemba, muma muze akungulukile yimunyika. Ayo eswe yaazala ni Mwiki wa Kulinanga, mba yaabutuka kwambujola liji lia Zambani ni hamu.

Miaso 34:18

Mwene Zambani kali hehe ni akwa kulekumuka, kakulamwina akwa mbunge ja kubihilila.

Isaia 66:2

Yami mwene natangile yuma yeswe! Nakuwahilila ni waze akulikehesa ni akwalumuna mbunge, waze akunguwila woma ni akungwononokena.

Usolwelo 21:4

Makakusumuna masoji eswe ku meso jo. Kufwa kuchichi kabwana, chibwe kunenganyana, chi-

bwe malilo, chibwe yikola. Yuma yitangu hiyinahu.

Miaso 37:3

Fuliela Mwene Zambani, ulinge yibema, mba mutwama kanawa mu chifuchi.

1 Petulu 4:12, 13

Akwetu a zango, kanda nulishimwoka muze munumona cheseko cha lamba, ngwe chuma chinene chahiana chanuwana. Alioze wahililenu ha kwivwa limwe lamba lize evwile Kristu, hanga nukawahilile kuhiana muze uhenya wenyi muukasoloka.

Yesu iye mwene hanamono lamba ni Sakwonga hanamweseka, Kashika mahasa kukwasa nawa atu waze Sakwonga akweseka.

—Hebreu 2:18

Zambani, yoze wakuhana uhwimino, makafwenya Sakwonga nikawashi kushi lia yiliato yenu.

—Roma 16:20

Mutu mubema kakumona lamba linji alioze Mwene Zambani kakumulamwina ku yize yeswe.

—Maiso 34:19

Nyi kutala ngwe Sakwonga hanweseka, nyingikenu ngwenu, atu eswe kaakweseka chizechene. Alioze Zambani kanalingi nikulita ni chilakenyo chenye, mumu kechi

katayiza Sakwonga akanweseka kuhiana tachi jize nuli najo. Alioze muze makanweseka, shimbu lizeliene makanwaha tachi ja kukumba. Ha chino, munukahasa kukumba. —1 Korintu 10:13

Muze muukenda mushi lia meya, mungukabwa hamwe ni yena; lamba lie kulichi kakukumba. Muze muukenda mu kahia, kuuchi kawema; yeseko yikalu ku-yichi kakulemeke. —Isaia 43:2

Mumu tunanyingika ngwetu, ha yuma yeswe Zambani kakulinga yibema kuli waze akumuzanga, kuli waze atambikile nikulita ni kunyonga chenye. —Roma 8:28

Usolwelo 3:12

Yoze makakumba, mungukamumika ngwe nguji mu zuwo lia Zambani yami, kechi katuhuka mo nawa nichimwe. Mungukasoneka hali iye jina lia Zambani yami, ni jina lia limbo lia Zambani yami, Jerusaleme yoze mwaha, yoze makahulumuka mwilu, kuze kwatwama Zambani yami. Mungukasoneka nawa hali iye jina liami liaha.

Yoze makakumba, makazala mahina atoma. Chichi kajimuna nichimwe jina lienye mu mukanda wa akwa mwono. Mungukamutayiza ngwami: niyami, ku meso ja Tata ni ku meso ja tunganda twenyi a mwilu. —Usolwelo 3:5

Yoze makumba mungukamutayiza kutwama hamwe ni yami ha chitwamo chami cha wanangana, ngwe chize yami hingunakumbu, ni hingunatwama ku sali lia Tata ha chitwamo chenye.

—Usolwelo 3:21

Yoze makakumba makatambula chawana chino ngwami: mungukapwa Zambani yenyi, neye makapwa mwanami.

—Usolwelo 21:7

Yoze uli ni matwi, evwe chize Mwiki wa Kulinanga unambila Yikungulwila! Kuli yoze makakumba mungumutayiza ha kulia mihuko ya mutondo wa mwono uze uli mu chipanga cha Zambani.

—Usolwelo 2:7



### LIJI LIA ZAMBI HAKUTWALA KU KULAKULA PWO

1 Korintu 7:10, 11

Kuli waze haanalimbata ngunahe shimbi, alioze hi shimbi ya yami mwene ko, yili shimbi ya Mwene Yesu. Ngwami: pwo kanda ahichika lunga lienyi. Alioze, nyi hamuhichika kulu, kanda aya ulo weka; chamutamba kuhiluka kuli lunga lienyi. Lunga neye kanda alakula pwo lienyi.

Roma 7:2, 3

Kali ngwe pwo lia ulo yoze kanalinungu ku Shimbi ja Mose. Shimbi kujakuyula mutu shimbu achili ni mwono. Alioze, nyi lunga mafwa kachi matusuka ku Shimbi jize jamunungine ni lunga.

cho, nyi pwo maya ulo weka shimbu lunga lienyi achili ni mwono, mamuvuluka ngwo: chitanji. Alioze, nyi lunga lienyi mafwa, kachi pwo matusuka ku Shimbi jize jamunungine ni lunga lienyi. Ha chino, keechi kamuvuluka ngwo: chitanji, chibwe maya ulo weka.

Mateu 5:32

Alioze yami ngunanwambuwila ngwami: lunga yoze malakula pwo lienyi (shina ha chikuma cha utanji), mamupwisa chitanji, nyi pwo yoze maya ulo weka. Nawa, mweswe mambata pwo yoze hanalakula, malinga utanji.

### KWIZA CHA MUCHAALI CHA KRISTU

Yoano 14:3

Muze hinanululikila muhela, mungukeza nawa. Mungukanwanda yami mwene, hanga ni yenu nawa nukabwe kuze yami nguli.

Usolwelo 3:11

Nguneza nikawashi. Lalaminya chize uli nacho, hanga niumwe kechi kachangumuna chipangula che.

Marku 8:38

Mumu yoze manguvwila sonyi, yami ni longeso liami hakachi ka atu ja mwakono, yihulia kanda yivulumunyi, yami Mwana-Mutu nawa mungukamuvwila sonyi muze mungukeza mu uhenya wa

Tata hamwe ni tunganda twa mwilu.

Mateu 24:30

Hohene chilayi cha mwe Mwana-Mutu muchikasoloka kwilu. Mba mavungu eswe a hashi maakalila, maakamona Mwana-Mutu kaneza ha malelwa ni ndundo jinji ni uhenya wahiana.

Tiangu (Jake) 5:8

Ni yenu nawa lihunikizenu, litakamisenu, mumu Tangwa lia Mwene Yesu hiliakundama.

Mateu 24:27

Mumu ngwe muhenyo muhenya chize ku chivumbuko ndoo ku chitokelo chenacho muchikabwa nawa kwiza cha Mwana-Mutu.

### KWIZA CHAMUCHAALI CHA KRISTU

1 Yoano 3:2

Akwetu a zango, haliabwila tuli ana ja Zambi. Kutwanyingikine kanawa chize mutukabwa kulutwe, alioze tunanyingika chino ngwetu, muze Kristu makasoloka, mutukalifwa nenyi, mumu mutukamumona chize abwa.

Usolwelo 16:15

Liji yiliamba ngwo: Banjikenu! Nguneza ngwe mwiji! Kawaha yoze wakunongama ni wakufunga mahina jenyi, hanga kechi kubwa uselesele ni kechi kwivwa sonyi!

Luka 12:40

Ni yenu nawa kanyamenu, mumu ha ola yize kunushi kynyonga mwe Mwana-Mutu meza.

Yilinga 1:11

Yaamba ngwo: Yenu malunga a ku Galilea, yika nunamanyina hano ni kuhulikila meso kwilu? Yono Yesu, hanutambula yo mwilu, makahiluka nawa chizechene ngwe hinawamumona nikuya mwilu.

Mateu 16:27

Mumu Mwana-Mutu makeza mu uhenya wa Tato hamwe ni tunganda twenyi twa mwilu. Mba makaha mutu mweswe nikulita ni yitanga yenyi.

Luka 21:27

Hohene atu maakamona Mwana-Mutu kaneza mu lelwa ni ndundo jinji ni uhenya wahiana.

### Ilisyu Lya Kyala

Lilu ni hashi muyikahwa, alioze maliji jami keechi kwiza kuhwa nichimwe.

—Luka 21:33

Yesu yaakumbulula ngwenyi: Nwakubinda, mumu kunwa nyingikine Mukanda wa Zambi, chibwe ndundo ja Zambi.

—Mateu 22:29

Mumu liji lia munanyi nili mwe liejile ku upale wa mutu iye mwene, alioze Mwiki wa Kulinanga yiushinjeka atu ku hanjika liji lize anbi-le Zambi.

—2 Petulu 1:21

Mukanda wa Zambi weswe haanausoneka ni tachi ja Zambi; ni kuwakukwasa ha kulongesa umwenemwene, ha kukumika mahuza, ha kululi ka yitela, ni ha kulongesa ku bwa ni ndako yibema.

—2 Timoteu 3:16

Nakufunga shimbi ye mu mbunge yami, ha chino chichi kuvulmuna ha kulimika ni yena.

—Miaso 119:11

Liji lie liabwa ndeya ya ku yiliato yami, lia kutemwisa molu jami.

—Miaso 119:105

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

World Missionary Press, Inc.  
P.O. Box 120  
New Paris, IN 46553-0120 USA